

hujus Episcopus à sancto Petro Apostolo ordinatus legitur apud Mombrinium tomo 2. & *Maximus* Prosdocimi successor apud eundem.

TORCELLUM, urbs Episcopalis in libro Conciliorum, cujus Episcopus *Agnellus* subscripsit Concilio Romano sub Felice.

ALTINUM Melæ lib. 2. c. 4. vulgò *Altino*. *Heliodorus* hujus Episcopus subscripsit Concilio Aquileiensi sub Damaso, & *D. Ambrosius Epistolam 85. scripsit ad *Septimum* Episcopum Altini.

ACELUM Plinio lib. 3. cap. 19. vulgò *Afelo*. *Agnelli* hujus Episcopi meminit Paulus Diaconus lib. 3. cap. 27.

TARVISIUM, Venetiæ urbs, vulgò *Trevifo*, legitur apud Paulum Diaconum lib. 3. cap. 27. ubi etiam meminit *Rustici* Episcopi de Tarvisio.

MARIANUM, oppidum in Insula, quæ est ad sinistram Zelinæ amnis, Paulo Diacono lib. 3. cap. 27. *Donatus* Episcopus Marianensis subscripsit Concilio Lateranensi sub Martino.

§ VERONA Ptolem. lib. 3. cap. 1. hodie nomen retinet. Ex ejus Episcopis *Lucius* subscripsit Concilio Sardicensi, & *Servus-dei* Concilio Romano tertio sub Symmacho.

GRADUS vulgò *Grado*, Paulo Diacono lib. 2. cap. 10. ubi *Paulus* hujus Patriarcha dicitur, sed & Divus Gregorius Epist. 38. lib. 11. Indict. 6. meminit *Severi* Episcopi Gradiensis.

† NOVA, urbs olim Venetorum in ora Marchiæ Tarvisinæ, nunc everfa, D. Gregorio Epist. 10. lib. 7. Indict. 2. ubi meminit *Joannis* Episcopi Novæ.

** CAPRULA, Insula proxima Venetiis, vulgò *Caborla*, Episcopalis dicitur apud D. Gregorium Epist. prox. citata.

CENETA vulgò *Ceneda*, Venantio Fortunato, qui de illa scribens, hæc ait: *Per Cenetam gradiens & amicos Duplavoronenses*. Quibusdam creditur civitas Episcopalis antiqua, sed ejus Episcopum non legi ante *Ursinum*, qui subscripsit Epist. Synod. Concilii Occidentalis sub Agathone. Veruntamen ratio dubitandi est, num *Euentius*, qui dicitur Episcopus Citinienfis in Concilio Aquileiensi sub Damaso, potius Cenetensis sit.

† TRIDENTUM Ptol. lib. 3. cap. 1. vulgò *Trento*. *Abundantius* hujus Episcopus subscripsit Concilio Aquileiensi sub Damaso.

FELTRIA, vulgò *Feltri*, Paulo Diacono lib. 3. cap. 27. ubi legitur §§ *Fronteius* Episcopus Feltriæ.

BELLUNUM, Belunum Ptol. lib. 3. cap. 1. vulgò *Belluno*. Paulus Diaconus ubi supra, meminit †† *Laurentii* Bellunenfis Episcopi.

SABIONA, vulgò *Siben*, Paulo Diacono ubi supra, meminitque ibidem ¶¶ *Ingenuini* Episcopi de Sabiona.

JULIUM CARNICUM, vulgo *Zuglio*. Maxentius Julienfis Episcopus subscripsit relationi Episcoporum ad Mauritium Imperatorem apud Baronium anno 590. LUCAS HOLSTENIUS.

CONCORDIA, vulgo in ruinis nomen retinet. Paulus Episcopus subscripsit relationi ad Mauritium Imperatorem, ubi sup. LUCAS HOLSTENIUS.

* D. Ambrosius &c. *Septimum* &c.] S. Leo M. Epist. 85. scripsit. Petrus de Altino apud Paulum Diaconum lib. 3. cap. 27. Et in Actis Synod. Rom. sub Symmacho. Hic Septimius à Photio Biblioth. c. 54. Septimus vocatur, cujus narratio ex Leonis illa Epist. lucem accipit. LUCAS HOLSTENIUS.

§ Verona &c.] Junior subscripsit relationi ad Mauritium Imperatorem apud Baron. anno 590. n. 28. LUCAS HOLSTENIUS.

† Nova &c. in ora Marchiæ Tarvisinæ] Cujus meminit Constantinus Porphyrogen. Inter oppida, ex quorum ruinis orta est Venetia. LUCAS HOLSTENIUS.

** Caprula &c. Episc. dicitur apud D. Gregor. Epist. proxime citata] & præcedenti 9. & pertinebat ad Provinciam Histriæ & Primatem Aquileiensem, de cujus jurisdictione eam ad tempus eximit S. Gregorius, & Ravennati Episcopo ordinandam committit. Erat autem hæc insula superiori Castello Novas per Dioce-

OP-
sim conjuncta, ut testatur ibidem Gregorius M. LUCAS HOLSTENIUS.

¶ Tridentum &c.] Agnellus subscripsit relationi ad Mauritium Imperatorem: ubi Trajentinæ male legitur; & Baronius pejus Parentinæ substituere conatur. Nam Paulus Diaconus lib. 3. cap. 27. Tridentinum Episcopum fuisse disertè testatur. LUCAS HOLSTENIUS.

§§ Fronteius Episc. Feltria] in subscriptione libelli apud Baronium ad annum 590. Fonteius dicitur. LUCAS HOLSTENIUS.

†† Laurentii Bellun. Episc.] qui subscripsit libello Episcoporum Venetiarum ad Mauritium Imperatorem apud Baronium anno 590. n. 28. LUCAS HOLSTENIUS.

¶¶ Ingenuini Episc. de Sabiona] Idem primo loco subscripsit relationi supradictæ, & Rhetiæ Secundæ Episcopum se vocat. LUCAS HOLSTENIUS.